



Statuts

da la società

PRO FLÜELA

16. november 2020
(rimplazza il statuts dals 1. settember 2000)

I. Nom e sez

Artichel 1 La società cul nom Pro Flüela ha seis sez a Tavo ed ha la fuorma d'üna società neutrala tenor l'artichel 60 ff dal Cudesch da dret civil svizzer (CCS).

II. Mera

Artichel 2 La mera da la società es quella da rapreschantar ils interess a favur dal Pass dal Flüela, ipustüt tgnair avier la via d'invier, e l'avertüra da prümavaira. Iplü il sen cultural e la coliaziun economica tanter l'Engiadina e Tavo.

III. Organisaziun

Artichel 3 Ils organs uffizials da la società sun:

- la radunanza generala
- la suprastanza
- il post da revisiun

la radunanza generala

Artichel 4 La radunanza generala es l'organ principal da la società. Quella sto avair lö almain üna vouta l'on, adüna fin il plü tard la fin da december. Ella vain banida in scrit da la suprastanza.

Propostas e pretaisas dals commembers per mans da la radunanza generala sun d'inoltrar in scrit almain quatter eivnas avant la radunanza pro la suprastanza.

Radunanzas extraordinarias vegnan convocadas seguond bsögn. Quai vain fat da vart da la suprastanza obain scha almain 1/5 dals commembers giavüschan quai.

Scha quai es il cas han ils commembers d'annunzchar in scrit las tractandas giavüschadas almain 2 eivnas avant il termin da la radunanza.

Artichel 5 Mincha radunanza es competente da trar decisiuns. I vala la majorità simpla dals commembers preschaints a radunanza schi nu's tratta d'üna fatschenda per la quala ils statuts pretendan alch oter.

Per müdar ils statuts dovra quai la majorità d'almain 2/3 dals commembers preschaints a radunanza.

Tuot las elecziuns e las votaziuns vegnan fattas cun scrutin avert scha almain 2/5 dals commembers preschaints nu dumandan üna votaziun serrada.

Mincha commember ha üna vusch. Üna substituziun nun es admissa.

Artichel 6 La radunanza generala ha la lezcha da tscherner:

- a) il president
- b) ils ulteriurs commembers da la suprastanza
- c) il post da revisiun

Ultra da quai han minch'on da gnir acceptats da la radunanza generala il rapport annuals dal president, il quint annual, ed il rapport da revisiun da quint.

La radunanza generala dà dis-charg da la suprastanza.

Nominaziun da commembers d'onur.

Be la radunanza generala po far müdamaints dals statuts o schoglier la società.

La radunanza generala tira tuot las ulteriuras decisiuns tractandas. Las tractandas vegnan preparadas da la suprastanza o sün giavüsch dals commembers.

La suprastanza

Artichel 7 La suprastanza (inclusiv il president) as cumpuona dad almain 5 commembers. Üna perioda d'uffizi düra 2 ons. Reelecziuns sun pussiblas sainza limitaziun da temp. La suprastanza as constituischa svesa.

Artichel 8 La suprastanza as raduna a sias tschantadas sün invid dal president o dal vicepresident chi dà cuntshaint eir las tractandas, il lö e l'ura. Quai capita uschè suvent sco chi fa dabsögn per evader las fatschendas actualas. L'invid sto gnir tramiss almain 14 dis avant la tschantada. Be in cas urgaints po quist temp da banida gnir scurzni. Fatschendas na tractandadas pon gnir trattadas be scha tuot ils commembers sun perinclets. Sch'ün commember nun es preschaint pon talas fatschendas gnir decisas be schi'd es avantman üna decleranza perscritta da quel commember chi'd es absaint. Ultra da quai pon gnir trattas decisiuns be schi sun preschaints almain trais commembers da la suprastanza.

Per las decisiuns da la suprastanza davart dumondas tractandadas vala la majorità simpla. Pro parità da vuschs po il president tagliar la vusch. Decisiuns da la suprastanza pon gnir trattas eir in scrit da maniera circulara, però be sch'ün dals suprastants nu pretenda cha la fatschenda vegna trattada in üna tschantada.

Da mincha tschantada da la suprastanza vain manà ün protocol.

Artichel 9 A la suprastanza suottastan seguaintas lezchas:

- Las decisiuns davart tuot las fatschendas da la società chi nu suottastan explizitamaing a la radunanza generala. Surtuot suottastà a la suprastanza tuot la gestiun da la società e la lezcha da defender ils interess da la società.
- L'execuziun da tuot las decisiuns da la società
- La rapreschantaziun da la società vers l'extern. Per la suprastanza vala qua üna suottascripziun collectiva da duos commembers.
- Banir las radunanzas.
- Eriger il rapport annual e preparar il rendaquint annual.
- Elavurar eventuals reglamaints per la società chi ston però gnir approvats da la radunanza generala.

Artichel 10 Competenza da las finanzas da la suprastanza:

- Scha la mera vain accumulida ed ils mezs sun avantman, po la suprastanza dispuoner libramaing dal posses da la società.
- Contribuziuns a destinaziun na lianta dovran l'aconsentimaint da la radunanza generala.

Il post da revisiun

Artichel 11 La radunanza generala tscherna adüna per la dürada da duos ons, duos revisuors da quint chi nu ston esser commembers da la società. I das-cha eir gnir incumpensà eir ün büro fiduziari culla lezcha dal post da revisiun. Ils revisurs controllan ils quints, la contabilità, ils allegats, la chascha e rapportan in scrit, a man da la radunanza generala davart lur lavur.

IV. Finanzas

Artichel 12 Il possess da la società as cumpuona e vain ramassà in fuorma da contribuziuns da libra voluntà dals commembers – da fixar contribuziuns da commembers voul la società rennuzchar explizitamaing.

Ultra da quai as cumpuona il possess da donnaziuns e dals fits da chapital e dal guadagn da la società

Artichel 13 Sco impegn per la società po gnir tut be il possess da la società.

V. Commembers

Artichel 14 Commembers da la società pon dvantar persunas natüralas, persunas juridicas sco eir societats.

La commembranza da la società düra davo l'entrada almain ün on.

Persunas juridicas vegnan rapreschantadas d'ün rapreschantant chi vain definà dal commember sco delegà permanent.

Quel po gnir acceptà da la suprastanza, ma scha quai nun es il cas po la suprastanza pretender dal commember sainza nomnar motivs chi vegna definà ün otter delegà. Substituts pels delegats nu sun admiss.

Artichel 15 Chi chi voul dvantar commember sto inoltrar pro la suprastanza üna dumonda. La suprastanza ha la competenza da decider da vart l'acceptanza da commembers novs e nun ha da nomnar motivs per sia decisiun.

Artichel 16 La commembranza finischa

- pro la mort d'ün commember;
- l' cas da la liquidaziun d'üna persuna juridica chi'd es commembra;
- cun üna decleranza da sortida;
- davo üna exclusiun.

Artichel 17 La decleranza da sortida d'ün commembers sto gnir inoltrada per scrit pro'l president almain 3 mais avant la fin da l'on da gestiun. Sainza üna decleranza da sortida vain mincha commembranza prolungada pel prossem on.

Artichel 18 Cun unanimità da vuschs po la suprastanza decider dad excluder ün commember da la società e quai sainza stuvair indichar motivs.

VI. On da gestiun

Artichel 19 L'on da gestiun cumainza als 1.settember e finischa ils 31 avuost.

VII. Schoglier la società

Artichel 20 La radunanza generala po schoglier la società scha almain 2/3 dals commembers da quella sun perinclets. Quai vala eir per s'unir cun ün'otra società. In cas cha la società vess da gnir scholta ha quella da gnir liquidada dals commembers da la suprastanza. Las competenzas da la radunanza generala restan in vigur fin cha la liquidaziun es execuada.

La radunanza generala decida in quist cas eir davart il possess da la società e quai a man d'üna proposta da la suprastanza. In mincha cas sto quel gnir miss a disposiziun per ün adöver chi correspuonda plü bain pussibel a la mera da la società.

Scha la società s'unischa cun ün'otra società e vain uschè scholta, decida eir la radunanza generala davart las modalitats da quella acziun.

VIII. Disposiziuns finalas

Artichel 21 Quists statuts rimplazzan isl statuts da la radunanza constructiva dals 1. settember 2000 a Zernez, e aintran in vigur ils 16 november 2020

In cas da dubis vala la versiun tudais-cha da quists statuts.

Tavo, 16. november 2020

Il president:

Thomas Kehl

l'actuar:

Michael Caflisch